

新刊嵩山居士文集

七

新刊嵩山居士文集卷第二十三

荅劉漢州啓

聞帝語於朝可使從政奉計最以報何待來年想耆老之
聚談喜近臣之出守某官通達治體博極群書富哉多聞
豈得黃香之未見識者太息乃與公叔以同外謂將以斯
文大用於時願亦及吾兒相繼而去共惜通儒之久外諒
應宣室之深思即有鋒車趣還華省某每懷景慕尚阻瞻
承屬小司寇而士十六人猥當任使位下大夫而臨二千
石實負兢慙重蒙寵問之先益佩至情之厚其為感怍未
易敷陳

荅任恭州啓

遴選具僚乃施典而建其收入對宣室親見問而觀所跡
遂分守符必稱上意其官蓋有士望屢為人師萬民惟正
之供要在先行於直道六藝致治之法豈特可教於諸生
况聞德音近在文陛有君子之道嘗啓沃於聦聰語大夫
於朝其遵承於邦憲某不獲同部敢忘素交子路有聞而
惟恐有聞蓋力修於善政楚人之長而亦吾之長願難稱
於重勤徒為感感未易敷寫

荅宋知監啓

此聞計庭使待詔命吏民相語無以我公函兮朝夕以須
事其大夫賢者復還州部想慰群情某官克對前脩共推
令望遠自先世代言嘗在於此明實為故家藏書上應於

東壁能傳舊學宜列路朝姑領林監之旣即有鋒車之召
其久違合語忽展來牋冷厭蜀交益念友朋之作別誰謂
宋遠况疑顏色之在前其為忻愉未易宣寫

答吳永康啓

太府奏聞稱弱翁之治行行路歎息猶季子之來歸蓋皆
謂復至是邦必有以深副其望某官澹然近道卓尔有才
益州未嘗輕論於朝一朝遽以舉其最蜀人相與竊議於
下三年何以報所知宜更過前者之已為夫然後魏乎其
特立諒在高明之雅意亦思振耀於當途使衆言其上之
知人未有於此時者而君得斯名以垂世豈不誠 矣哉
某屬按列城佇觀善狀勉遵循吏之為政以直道而行要
令諸公之露章不一書而止

山南二十三

二

又答

此知入境即遂臨民雖恨命駕之遲歲去暮矣庶幾為政
之美予日望之載觀貽問之甚勤亦若在公之匪懈某官
功效已試民情所歸曾未考令於一日之間已竦觀聽於
千里之內吏民皆喜於復至則往拜其門父老相頤而有
言何以利吾國必滿其願不勞而成某嘗幸游從可忘規
益君子欲訥於言而敏於行無為翰墨之勞天下皆耕於
野而止於塗宜副朝廷之意

又答

讀闕里之書百未一試修竿續之礼三茲益恭承黃札之

初願諒朱轡之增重其官囑事而懼終夜以思但見府庫
再來而皆空虛豈有版籍具存而乃匱乏蓋無政事則財
用不足惟勉布於教條非居鄉中而名實未加咸習知於
威信請移涖削之力盡按豪強之家自然富饒之可期想
應思慮之已及謹同衆聽以俟政成

荅李富順啓

遠賦以書如事其長我爲我爾爲爾蓋各在於統臨辯亦
辯言亦言願可無於酬對但增厚媿曷報重勤某官傳家
直清爲政果藝惟其才之屢試凡所至而有芥來守是邦
而皆精明見者懣歎在察奉者宜論其治狀使廢棄之以
勸夫具僚某深佩至清曲敦雅好常念吾弟與兄之室弗
居乃從君游執子之祛無惡莫諧集處徒切頌依

荅劉懷安啓

伯充

一乘五十七人初臨千乘之重八州五十六正相望兩州之
間豈謂封部之殊乃辱書騰之厚若爭其長殆非所堪某
官世祿之家官宿其業惟曾門之盛德爲元祐之名臣承
此積累之休宜其昌熾於後有酒食先生饌致其祿及親
之榮知稼穡小人依體吾君愛民之意行登高位益慰慈
顏其每念天倫獲聯姻好蓋子路妻之兄弟以服高明如
賈誼任於公卿行觀進用

荅史梁山啓

猥從支郡遽按祥刑相好者譽之過情以為勝其任也不
悅者為之竊議何以異於人哉敢謂愛忘亦貽慶問某官
李優則仕治移於官方朝廷核名實之時屢下明詔儻郡
國上課最之狀必有異恩計指日之合符即論功而增秩
某昨居牧守之職屬在執事之先惟是心存於愛民可為
智者道若謂地有於遺利當如後患何幸其辱明世之知
不以為迂踈之過表遲何有厭察其蘊

荅瀘州高倅啓

下喬木而入於幽谷不恨此地之徊翔居是邦而事其大
夫乃喜吾兄之集處更尋雅好遠馳華牋某官敏則有功
果於從政蓋屢書於最狀亦書剖於守符茲除司馬之官
願為節度之府耕王之野而欲蔽王之市無忘勞來之勤
小國之君而當大國之卿宜念推迂之重某勝遠滋久懷
向良深屬來使之亟遠愧占辭之罔既

荅瀘州張倅啓

辱貺以牋如事其長謂居屬部境雞犬之相聞行依他州
風馬牛之不及過承稱譽徒極兢慚某官藹然粹溫輔以
忠厚十年種木頽卜宅之已成五月渡瀘尚更書之未至
方當炎熱宜在宴閑北窓之風時來雅堪高卧南山之豆
既種可樂豐年何為涉遠道之行乃欲從諸公之謁亦煩
臨訪良切感戴

荅漢州師倅

七月流火頤徂暑之未衰一介行人持蓋賤而相問不覓
開緘之際頓忘境轡之勞某官為政惠和相時長養莫居
近侍詠殺閣之生涼但體眷懷助道途之扇暘念及疲老
困于馳驅辱勞苦之甚勤歎情文之俱備固已欣快執熱
而濯清風况當從容近君而如白雪其為感怍未易敷陳

荅漢州趙倅啓

主出迎而右入喜見道途之歸吾極知其左迂想識人主
之意暫淹送駕聊佐名城某官少而讀書樂於為善豈謂
才能之特立有為吏議之弗容非止世祿之家則從大夫
後焉有宗室之秀並罪咎何雖一洗於刑書願尚憑於泥軼
昔汲黯自免官而守楚地張敞起亡命而典冀方况在公
朝度越前古行詔太常之書贊復分刺史之守符今其少
須將以繼賀

荅眉州樊倅啓

乘別駕之車已至治所佩刺史之印兼按郡條習知風俗
之冥殆可笑談而辨某官飾以儒雅粹然中和至今外邑
之老人尚誦當時之美政而乃自列大府願選守臣儻復
去此而為邦豈有不能於前而能於後勿令識者之竊議
以謂無難於縣而難於州理必不然人誰肯信與其循墻
以走退避而不敢當曷若直道而行凜凜而有所立幸察
表遲之語佇期善最之聞

又荅

錫之山川已漸分土送以禮樂不待臨軒願非小已之堪
任敢辱長綫之稱譽某官周旋中禮悃幅無華頃嘗至於
是邦尚多談於厚德交游皆歎其莫及休休焉有容父老
今聞其復來欣然相告其遽乘軺傳初解兵符於其老
與賓客而游遨維莫詣於集處使其親為喜笑而飲食更
相助於平反

荅閻判院啓

載馳載驅猥被煩使將安將樂敢忘素交願修問之未遑
辱貽書而良愧某官乃者會晤翕然嘆嗟謂其臭味之攸
同頗以狂直而相許得見狷者斯可矣蓋嘗憤風俗之衰
非曰能之願學焉亦欲副友朋之望迨茲除授敢不激昂
益知用捨之皆天深悟窮通之有命不求而得愈自信其
行藏無忝所生當更思於負荷

荅隆州李簽判啓

立其監設其參本為陪輔顯諸仁藏諸用要善弥縫想賢
者之既來必歡然而相得某官居官持重臨事好詳嘗
為一邑之長而已洞悉於事宜今所臨百里之吏其孰能欺
於視聽况復刺史心知之久自無近時位福之嫌魯平公
豈惑於威倉天寧捨我孫伯符能用於子布名實在孤不
待踰年俱富論最因報來牋之辱益增欣詠之深

荅懷安馮簽判啓

施於有政以聞其名挽之不來良失所望敢辱貽書之禮

見稱知己之恩某官蓋出世家能通時務喜以文無害而憂
府至於聲籍甚而將諸公屬此嘉陽隣於夷徼尚闕牧民
之長頗為分閫之憂今之居官猶正牆面而立也公乃抗
論不越尊俎所代之願會晤之無由但瞻依而弭切

荅榮州呂簽判啓

空虛囹圄居官方愧於未能跋履山川遣使遠頌於相問
靜言迂拙難副褒稱某官出自世家通知吏道觀大邑通
都之治見遺風流俗之存非虎非龍而非熊非罷蓋克肖
於尚父有駉有騏而有駟有駘尚遵法於先公行刺大州
遂據遠略某載誦來教敢忘重勤如君是邦而事其大夫
欲酬盛禮願燕嘉賓而將其厚意未卜何時

山石二十三

十

荅權縣州李簽判啓

一年之內三徙其官雖考績論才為巴蜀之士稱首而奪
彼與此使隆岳之老怨嗟獨想提封悉云多幸某官所在
舉最久聞當途凡有蠹壞不治之邦皆莫疏理盡除其故
諒其體國無以告勞何為賒我以書而有辭乃謂捨己之
田而興歎普天之下莫非王土但可致於撫綏好生之德洽
于民心必更宣於寬大豈止副聰明之屬望亦以依養老
之平友行遂披承併期敷命

荅郭運幹啓

明復

在官而事兩賢可謂遇合去家而無百里不廢問安既居
幕府而優游兼遂窳門之溫清某官女能自立壯欲有為

常思富貴以榮親每喜慨慷而論事今雖養曾首必得涇
肉乃得賦祿之良多何由辭靈丘而請士師來佐按刑之
不逮遠貽勞問弥切瞻依

新刊嵩山居士文全集卷第二十三

新刊嵩山居士文集卷第二十四

荅宇文提幹啓

茲辱外堂更承進牘究觀家世實兼文孝政事之科審察
色辭宜在身言書判之選惟法所在夫誰敢私某官世祿
相傳典刑未遠欲得公侯必復其始嘗思富貴所致之途
儻今承績之發揚何有官游之濡滯士相見皆有贊已特
記於華牋力有余則李文更佇觀於行事

荅劉提幹啓

德

七里之郭久矣汗顏六轡如絲忽焉在手豈有不待臨軒
而遣其使於外初亦未嘗詣闕而有以知其人方懷芒刺
之憂敢當竿牘之賀某官蚤尚同道頃嘗定交聞我錫命
之云初恨其辭滿而將去退而自解去復何傷子有酒酌
言醺之苟得須臾而共樂朝聞道夕死可矣豈必追逐以
相從其過辱推尊愈深慚悚高才宜在於要近安得使之
三年淹故事尚須於講論或肯為此數旬客庶幾連城之
不二價遂作奏章之第一人既擅幸賢之名又獲告善之
助授封傳誦裴朽光榮

荅趙提幹啓

來見伯氏獲觀履歷無間父母之言誠為今子不挾兄弟
而反敢辱長牋紬繹之深兢慙良甚某官早以強孝出而
决科蓋共歎於宗英顧尚淹於外服問職事之所領似是
馬曹念本支之不同皆如麟趾佇膺夾輔勉務激昂姑少

致於鄙悖實莫酬於厚意

荅利路楊提幹

頃者授命乃在九月十月之交忽焉踰時所有三年二年而會常恐不明於審克豈期遠辱於褒稱某官少而多能輔以博習為己之孝而為人之學蓋兼達於古今在家必聞而在邦必聞實有著於郡國又淹小宰之選交上諸公之章即當橫飛遂致光顯某亦豫外屬嘗聞內言媿使治摻乃是徐吾犯之妹義之與此敢忘晏平仲之交儻存至情更冀忠告

荅朱總幹啓

遠煩遣使特辱貽書荷頃今日而告言非敢後也止若衆人之稱頌不欲觀之亟誦華牋敢忘厚意某官讀書學古射策起家自當與後傑以爭先願乃見襄遲而增歎也勝其任而不勝其任方議論相半之間其可以言而未可以言豈高明有待於後儻加愛與願惠箴規

荅令孤江津記

受命往圖於撫字秋以為期得書知困於劇煩日不暇給今規模之已定必宴處之居多某官官以最遷職因主選適當頽敝之極無懼刺裁之難聞巷議而族談謂前貪而後孝尊俎可越昨幾使尸祝而代之琴瑟不調今惟有更張可鼓也勉務為邦之善力求矯枉之方有德者以寬願思其次請益曰無倦執易斯言既以謝竿牘之勤是亦塞明

友之責

答劍門何知縣啓

劍門天下之壯蓋謂此邦鼎臯中之賢今為之宰尚懷宿昔之好遠貽勞苦之書某官見重西州嘗任東部頃同僚敗事而不可道欲下吏議罰而有所分誠加之罪其無辭乃以相及使惡其害而去籍則不可知君非避而逋逃我何從而迫賊逮其置對果以辨明益見處已之公何辱雁牋之謝佇期善政遂應最條由是觀羞惡之心亦以間讒匿之口

答宇文知縣啓

逸乘興於榜曹未遑出仕歸時事於旅宰乃欲請行各屬攸司豈安專達某官資以果藝生于膏梁嘗蒙當途之知將試字民之政益可寄臯之印信所優為而况真九牧之金殆其細事君其請於外計我敢忘於前言

答石照李知縣啓

為君子儒屢臨百里為鄉人處今有二天必將摧挽以成名何待襄遲之致力某官宜在高位久沈下僚慨然有望於交游謂我蓋於於淹滯雖名書不聞者朋友之罪屬當今日而敢辭然左右未可而大夫曰賢難使諸公之必聽命也有在子其少須

答文瀘川啓

比居官曹宴在封部不能祭奉以論其最則異於眾人於

是辟召而用其才莫如我同姓特勤在駕更亦長淺某官常思揚名頗欲治劇捨墳墓而遠去受書幣而亟行千里而來何以利吾家使有聞於斯世千室之邑可使為之宰惟不負於所知非徒父老之舉安抑亦宗族而相賀

荅師中江啓

聽孤獨老幼之辭方念當按於庶獄有夫妻子母之屬相與辱在於懿親乃自比於衆人亦過形於嘉頌某官既學而仕將大其門早讀賢之書必明出處之際可以仕則仕而可以止則止宜無累於行藏甚勇知莫知而甚易行莫行豈但專於誦說子雖新於直亮而相益我敢心夫親愛而不言所望聰明勉思忠告

四二四

四

荅李通江啓

惟子居官以待都鄙之治非吾屬部且在邦域之中忽貶以書重增其媿某官先猷是以雅好不忘三家子弟往來復相從於今日一門叔父向大願尚記於當年要各懋於遠圖庶不隳於素業未由會晤良切瞻懷

荅何宣教啓

有道之主方求士之甚勤觀國之光宜上章而自薦諒應其黨咸壯此行某官喜逢休明耻在貧賤獻書于府久擢賢能之科爭名於朝今往輦轂之下必膺茂選可謂良圖鄰里想助其責裝則具一日之積廟堂當為之歎息不遠千里而來寔尚嚴凝所祈保攝

荅石泉軍呂教授啓 唐德

對策龍墀之下獲望清光題名鴈塔而凶識為感事敢忘
厚意特辱迂臨某官儒家者流大夫之後雖未果一言而
寤主今方以大藝而為官願平日讀春秋之經甘天子行
賞罰之事無煩下問其可從政也歛但於是書更當盡心
耳矣功名不遠談笑可期

荅雒縣楊主簿啓 景溫

選郎國博習之士以分試於禮闈策天人大槩于廷茲遂
登於高第得賢之喜非我敢私某官少而讀書長以待問
况慕迺夏篤實之學兼好故家深湛之思豈但著見于言
今當發施於事息乎已學而勤乎未學其求為政之方以其无私而
能成其私更勵在公之志吾子於所知不忝老夫亦它日有榮

荅龍安范縣尉啓 子庚

頃以諸侯薦人天子躬上賢能之書今者大夫母諱有司
直陳帝王之道游從交賀衰朽與榮某官早讀父書勇循
祖武當夙興而夜寐思幼學而壯行古所謂之賊曹璆乃為
之官守溫故而可為師矣更孰究於聖言作易者其知盜
乎正宜施於行事姑因裁報畧致切瑳

荅張監稅啓

伏承歸見鄉黨朋友得遂田園之閑免與商族庶人日弄
舟車之利遙想居家之樂少濱在職之勞某官追記向來
頗為甚恨正感以法誓成願憲令之具有征商自賤大夫

况古今之共嫉乃安於官府之散壞致容其胥徒之誑欺
何須屑屑而有言如謂馬不進姑置區區於既往當若魚
相忘遠煩添翰之貽莫識占詞之報

荅李監稅啓

元雅

頃參諸公之幕府始識執事之庭闈今安敢忘昔者吾友
嘗於斯矣退復自念人之愛子亦如子乎故為汲引於當
途何辱感銘而進牘某官才堪筮仕志慕決科尚滯少常
伯之選中每見尊大君於坐上蓋聞相語願小子未其有
若汝封墓省何時使國人皆曰賢然後用茅恐老夫不足
為重然在高才寧當久淹佇觀泉而奮飛更冀佳哉而勉勵
荅王端復宣教啓

山二四

方

如聞喜公其徒遭先生於道更煩茲進以礼就主人之階
仍出長牋敢忘厚意某官决科筮仕舉族為榮惜其不往
一對於廷今乃未獲三釜之祿能念所自謂我獻賢能書
于王無久此留須子視朝夕食之節益勉務於德業期顯
揚於君親

荅趙將仕等啓

西伯善養老收耆老以來函東方未明喜着朝衣而顛倒貽
牋為謝托已何堪某官少而讀書老益篤學勿恨在官之
已晚要觀行道之何如視里中兒雖登於臚仕扣囊底
智誠自効於至時使其有聞願彼奚羨因輒陳於忠告用
少報於高文

謝劉粹中詩啓

敢辱乃翁相顧之厚見其二子焉因知其家甚藝而文作者七人矣披詩書而心軌誦歎詞采之不凡其人出則趨庭入則問寢蓋嘗聞於李札豈止盡於事親共高鄉黨之評宜為庠序之秀元方難為兄而委方難為弟皆可謂之才良賢人言如地而聖人言如天更勉觀於遠大行射主司之策益顯親闈之榮率尔占辭聊以為報

謝王甲獻詩啓

特紆麗藻見貺大篇一言蔽之蓋溢於美三友益者頤豈所宜始開卷以覽觀良枉躬而悵惓某人博以李問富於文辭頗知東坡議論之遺欲慕此征制作之大誠能屬句何君子多乎哉若乃近謾非王公尊者也過飾老朽併增感慚

謝投獻啓

每辱過容之臨訪皆如執事之褒稱謂其權可以容舉於人將求所欲也觀其牋莫不洋溢於美無乃為佞乎雖非敢當其可不報某人能事長上尤工辭華有力以李文蓋居於今而年泥於古惡訐以為直喜論其是而莫稱其非願惟意愚常用愧歎聽其言而觀其行難遽信於鋪陳為於家而賞於朝願更思於踐履

答蘇解元賀年啓

縞采為郡坐見發春何用賀為不知老之至爾所期歲美

樂尚賢者共之某人生於聖時逢此穀旦既醉以酒福自
及於周家言采其芹水方消於泮水萊慙老守難稱華皎
農人告以暮春行矣當勤於勸穡壯者修其暇日勉哉相
率以化民

新刊嵩山居士文全集卷第二十四

新刊嵩山居士文集卷第二十五

賀葉尤相啓

惟帝期哲知當代非常之才謂公其來正上相以虛之位
 識相相有爭然同辨竊以死烈火則不能見精金之良非
 嚴刑罰無以激勸相之節故君臣之間因事而益信凡
 賢者德過諸而力乾睿懷有感於中深恨大用之晚景官
 言合稷契名高蕭曹頃在天官之銓士不賦吏及居道揆
 之地忠以事君國之倚毗眾所屬望此奉身而遽去俄當
 守之有言昔惑於詆欺惟予一人俟罰今聖彼讒說灼見
 三有俊心自茲委任而不疑必將功業之有立某遙想都
 邑歡騰詠歌國人皆曰賢其何傷於日月太師以為首以
 其告於神明竊見遠方寔同慶頌

賀魏右相啓

置諸左右作相爰選邇僚踰於前後數公莫如舊德始正
 台衡之位亟新海宇之觀竊以載籍之傳以至於今未有
 政事之堂而年其長殆將踰歲曾莫告廷忽一朝典冊之
 遂頒必千載明良之相得某官自任以重能尊所聞出遇
 可為之時見知有道之主殫受堯之天下每躬稟於睦謨
 尹相湯于鳴條方共圖於武事參決國論時游機庭屬宰席
 之以虛願朝紳之相語眾但知居衡軸之地惟帝其難之
 上以謂預崑廊之游非君誰可者既執魁柄即成顯庸某
 猥被隆 朕膺煩使有所譽其有所試恐稱塞之不能可

興立未可與權但格勤之是勉敢期晚歲永託大鈞

荅晉州秀才啓

猥叨冰恩獲守是土讀詩書律令蓋下至於吏民視動作
語言皆能知於守令况我俊造秀於里閭某人李由家傳
經有師法如土地豐美而宜杞梓之產須雨露長養以成
棟棟之材豈意餘生獲觀諸君增置博士弟子既已興太
平之原召問長老先生正欲聞安集之道過承華翰肅感
至情願稱譽之良多非羨遲之所望其為愧作未易敷陳

荅師解元啓

昔卧東床偶與其選今來西蜀乃守此邦方思往事以感
傷過辱親朋之慰藉某人早游於藝更博以文當求攀桂
之高枝但用穿楊之舊箭勉趨遠大何羨羨遲延賞不識
於韋臯高門固無其事衛玠可齊於巢廣老夫安有是名
念莫謝於貽書願徒為之起塊

荅王解元啓

以處里閭阻開仙桂之籍特勤履屐來由瑞草之橋念西
華之子其甚貧誦東坡之詩而永嘆其人年稱耆舊早奉有
淵源尚餘棕鞋桐帽之風乃困蓬戶桑樞之陋席間相見
宛如紅帶之老人江上爭扶誰弔青衣之遺迹因追思於
往事實有感於予懷勉荅長牋莫酬至意

荅蘓解元啓

里復

將臨劇郡初無兩漢之循良忽辱高文已有三蘓之風氣

不勝其愧莫稱此邦某人生于士鄉輔以世業固知經綏之本其俗更宜朴厚以率其人不耻下問是以謂文乃過求於藝拙何必讀書然後為學蓋少變於浮華庶遠近古之風皆云自子而始愚或有得謀敢不忠

答石叻史解元啓

行路棘澁悵踰月而莫前丈人冰清撫舊游而不見方為興感忽辱飛文某人能敬先賢不忘雅好儻自知於肺附肯但作於面朋周親不如仁人願深明於鄙意文質然後君子豈專事於空言跋涉方疲報酬甚略

答呂解元啓

每自念為郡縣之長刑人殺人豈若論養生命之方上藥中藥可以濟衆不專利身喜承而懼之臨頭聞水火之齊某人蚤以秀士游于膠庠雖不能登賢能之書頃今稱有典刑之老彼列諸侯千八百國頌反病民而誦醫經數十方言蓋嘗起死居官何有較德良慙某適會簿書之閑要觀色脉之妙知仲景之名世雖識鑿不及於前賢問思雖必養生庶壽考或延於晚歲因修牋牘之報輒陳田疇之言

答令狐解元啓

嘗記往年斯友一鄉之善豈期今日不遠千里而來載誦高文信為良友某人秉德溫厚通經精深長而多騁尚肖乃祖之狀微雖具辨肯作小人之儒頃屬書夫之為邦乃借色子而見客但謂同師於洙泗不知異派於淄渚陳元

問於伯魚使吾兒之與颺仲尼失之子羽願我輩以何言
今觀後輩之相從益歎久要之未有行看決科之選當棟
知言之名

又答

統如五鼓初去故都違之一邦復得劇郡正望樂告以善
乃貽溢美之言某人學問精深行能茂美肯如餘二姪
而為末夫蓋慕古人彬彬然後君子某頃從宴語每歎高
風要及此生相與為感德事共矯其蔽不必解世俗書能
自崇朝願聞儻論

答楊秀才啓之辭

至三老之州已喜觀於多士望一區之宅尚越在於它邦

方切詠壤遽承勞苦某人文能行遠志欲決科將求郡利
史而引嫌遂就部使者之勸駕四海皆兄弟况老夫誠與之
有連三歲與賢能在高才何患於不得勉從鄉事作慶

答宋解元啓

尚記去年見於稠人廣坐未知戚屬出於大元貴宗載辱
迂臨愈增厚媿某人深懷至性篤念懿親肯恕老夫之廢
忘復與天倫而趨進人不知而不愠能思先聖之立言亦
相應而相求蓋謂外家之同氣銘感此意感歎于中

答史解元啓

一鄉友善士願每見而欣然十年為故人况相從之舊矣
重承賤請益歎情文某人屬詞甚工誨人不倦自行束脩

以上嘗辱教於吾兒以樂嘉賓之心復無游於茲地良為喜快未易名言

荅白解元啓 吳宗

周之治尚文蓋亦極矣漢之斷為朴莫以返之豈伊居聖而為師尚有貶書之過實某人聚徒講藝樂道安時生心富貴而富貴逼人茲固言其有命匪求童蒙而童蒙求我惟勿倦於教人使郡縣獄訟之遂衰而閭里絃歌之相接孝弟犯上者鮮安敢志吾子之功仁義非礼不成亦當修太守之職各期弗懈庶俾有傳

荅梁敦義秀才啓

竊承負笈而來鼓篋於此要與人才而輩出過於古磨千六枚益思賢哲之善言觀諸聖門二三子况是文翁之興學勿止張叔而為師列於左右之生當異於眾從彼先後之進更審所宜因辱賦詠之貽輒効切磋之報

荅宋秀才

送以禮樂而有光華是稱膚使聞諸道路未知信否敢辱長牋良佩眷存更增感怍某人實在外屬有懷至情繁鋪然陳言可若是其幾也觀其稱頌謂吾何得以堪之亟為占辭莫彈謝悃

荅楊昌辰謝依竹堂詩啓

家多竹而門可款每嗟瞻晤之無由言為詩而春成文姓託詠歌而相語反勤遠駕特謁眉巡某人優游田廬肅敬

林壑如姑蘓山中之客樂少陵野外之堂汗簡而寫藁青
夜然膏而不倦班衣以奉垂白冬生笄而可殮若自結於
歲寒不復追於時好忽輟其寢門之問而從我朋簪之游
何可一日無此君能為賢者之事不遠千里利吾國豈肯
徒然而來勿遽返於庭闈請劇談於仁義

荅彭州李倅啓

二月初吉遠辱貽書三歎遺音深為擊節何鋪張之甚
麗乃退託於不能某官涖官之初休駕未久雖雅志欲安
於其位願為小相焉願諸公皆念於是邦未甚此時者聞
簿書之緣絕致期會稽遲巧匠旁觀而縮手袖間忍視斯
民之厭敝謁者復通而望履幕下往見其屬之走趨責其
在公率以稱最少副當途之意益為知己之榮

荅眉州樊倅啓

人之良會當知有數其間今者遠來頗恨相見之晚屬已
去郡莫遑為僚某官嘗仕是邦久知其俗必念辭滿之後
不勝厭瘵之餘願若乘遲斗筲之人何足算也宜加惠
山徑之蹊介然成之勿令此道之不行庶使斯民而有賴
願敦實効無事空言

